



Intervensaun Diretora PNDS, Dulce Guterres iha Forum Lideransa, iha JL Vila, Fatuhada Dili.

Forum Lideransas Hala'o Diskusaun Kona-ba Dezafiu no Susesu Implementasaun PNDS iha Tinan 2016

Enkontru forum Lideransa PNDS hanesan enkontru Jestor Nasional entre kargu (Chefia) iha sekretariado PNDS no Cardno hodi diskuti kle'an kona-ba dezafiu no susesu implementasaun iha tinan 2016. Enkontru nee hala'o iha JL Vila Fatuhada Dili, (13/01/2017).

Iha abertura enkontru nee Diretora PNDS, Dulce Guterres Junior hateten tinan 2016 hanesan tinan dezafiu ba programa PNDS no espera katak iha tinan 2017 governo bele iha hanoin atu halo mudansa hodi tau atensaun masimu ba orsamentu PNDS, mesmu iha alokasaun orsamentu Geral estado ba PNDS iha tinan 2017 ho montante nee kiik no bele kobre deit subsidiu operacional ba suku ne'ebé implementa Faze 1,2 siklu primeiru no faze 3.

Tuir diretora tantu iha osan ka laiha osan laos sai hanesan dezafiu boot ba ita maibé PNDS sei iha serbisu barak ne'ebé sei lao hela hanesan Faze primeiru siklus segundu faze segundo siklu segundu, no faze terseiru ne'ebé sei lao hela iha finalizasaun projetos. Alende nee PNDS mos sei iha serbisu adisional barak mak hanesan Uma OPS (Oficial Policia Suku) kooperasaun entre PNTL ho Nova zelandia inklui Jardim, fatin halimar ba labarik infantil husi Ministériu da Educasaun.

Ekipa PNDS Munisípiu Manatuto Hala'o Sorumutu Avaliasaun Annual ba Implementasaun Programa PNDS Tinan 2016

Hafoin kompleta implementasaun Programa Nasional Dezenvolvimentu Suku (PNDS) ba Siklu dahuluk (Faze I, II & III), ekipa PNDS Munisípiu Manatuto hala'o Sorumutu avaliasaun annual ho nia objetivu atu revê fila fali vantajen no dezvantajen ne'ebé ekipa Munisípiu sira infrenta iha implementasaun programa PNDS. Avaliasaun annual ba implementasaun Programa PNDS ida ne'e hala'o iha Salaun Bescem, Manatuto Villa (25/01/2017).

Dulce Guterres Junior, nu'udar Diretora Nasional Programa PNDS ne'ebé partisipa iha sorumutu ne'e, hatete katak sorumutu avaliasaun ida ne'e importante tebes tanba bele fo oportunidade ba iha autoridade hotu tantu husi Suku, Postu Administrativu nomos iha Munisípiu atu halo diskusaun liu-liu ba iha dezafiu ne'ebé sira infrenta atu nune'e iha implementasaun programa PNDS Siklu tuir mai bele di'ak liu tan.

Administradór Munisípiu Manatuto, Fernando Souza, iha ninia intervensaun apresia tebes ba iha implementasaun programa PNDS tanba fo impaktu pozitivu ba iha comunidade sira iha baze.

"Programa PNDS ne'ebé implementa iha Munisípiu Manatuto durante ne'e hetan rezultadu ne'ebé di'ak no fo benefisiu diretamente ba comunidade sira iha Suku no aldeia." Hato'o husi : Fernando Souza, Administradór Munisípiu Manatuto.

Koordenasaun servisu entre ekipa PNDS Munisípiu ho liña seitoral sai hanesan asuntu importante iha avaliasaun ne'e tanba ho koordenasaun ne'ebé forte bele evita programa duplu nomos ego seitoral atu nune'e bele atinji dezenvolvimentu ne'ebé di'ak ba iha futuru Munisípiu Manatuto.

PNDS

Hamutuk Ita
Dezenvolve nasaun

Febreiru 2017

Progresu

Pilotu: Remata ona

Faze 1 Siklu 1 : Remata ona

Faze 2 Siklu 1 : Remata ona

Faze 3 Siklu 1 : Remata Ona

Faze 1 Siklu 2 : Iha Etapa 10 (Sertifika, enkontru akontabilidade 50% primeirun)


Faze 2 Siklu 2 : Iha Etapa 10 (Sertifika, enkontru akontabilidade 50% primeiru)

Faze 3 Siklu 2 : Iha Etapa 3 (Transferensia Fundus Operasional)




Prioridade sira Iha Nasional

Faze I Siklu 2



Faze II Siklu 2



Facilitador Tékniku Postu Administrativu Partisipa Iha Treinamentu Fasilitasaun Komunitade

Atu aumenta koñesimentu Fasilitadores Tékniku Postu Administrativu (FTP) iha area Fasilitasaun komunitade iha baze, Sekretariadu Tékniku Programa Nasionál Dezenvolvimentu Suku (ST-PNDS), organiza treinamentu espesífiku iha area Fasilitasaun komunitade hahú iha fulan Janeiru ate Febereiru 2017 iha Marie Stopes, Timor Leste-Dili. (Ba grupu I hahú iha 16 Janeiru 2017).

Treinamentu ne'e nia objetivu mak atu hasa'e kapasidade no abilidadade FTPA sira nian atu nune'e sira bele fasilita komunitade sira iha servisu komunitariu ne'ebé hala'o liu husi programa PNDS iha Suku.

Diretora PNDS, Dulce Guterres Junior ne'ebé loke treinamentu ne'e hatete ba partisipante sira hotu atu tuir treinamentu ne'e ho sériu, hodi nune'e matéria hirak ne'ebé hetan iha treinamentu ne'e bele sai hanesan referénsia ida hodi utiliza iha servisu loro-loron ninia iha baze.

Treinamentu ida importante tebes ba FTPA sira, alende aumenta kapasidade tékniku iha area Fasilitasaun, maibé orienta mos sira atu bele sai hanesan treinadór ba komunitade iha baze atu nune'e komunitade sira bele organiza no fasilita malu ho di'ak liu tan iha implementasaun programa PNDS.



PNDS Laos Projeitu, PNDS Hanesan Programa Ida Ne'ebé Atu Aselera Dezenvolvimentu Hahú Husi Nivel Baze

Iha Fulan Dezembru 2016 liu ba, NGO Lokál MDI (Organizasaun Naun Governantal Mata Dalan Institut), organiza Diálogu komunitáriu kona-ba dezenvolvimentu komunitáriu, Dialogue ida ne'e nia objetivu mak atu fahe informasaun ba malu entre autoridade Munisipal, lider komunitáriu ho komunitade sira kona-ba política dezenvolvimentu ne'ebé estabelese iha Suku. Dialogue ida ne'e iha Suku Casabauc, Postu Administrativu Tilomar, Munisípiu Covalima ho Suku Lalisuc, Postu Administrativu Pante Macassar, RAEOA.

Delegasaun Sekretariadu Tékniku Programa Nasionál Dezenvolvimentu Suku (ST-PNDS), Duarte dos Santos (Chefe Departamentu Komunikaun), nu'udar representa Diretora PNDS, iha apresentasaun hatete katak PNDS la'os hanesan projeitu, maibé hanesan programa ida ne'ebé atu aselera dezenvolvimentu hahú husi nivel baze, hodi nune'e ita nia komunitade bele sente dezenvolvimentu ne'e iha Suku nomos aldeia. Programa PNDS ne'ebé la'o iha Suku, la'os deit atu responde ba iha infraestrutura báziku ne'ebé komunitade sira infrenta, maibé fo kapasitasaun mos ba sira oinsá bele identifika rasik problema dezenvolvimentu ne'ebé sira infrenta, halo planu implementasaun, nomos jere programa ho susesu, alende ne'e komunitade hirak ne'ebé kontribui iha ekipa jestaun suku barak mak hetan fiar husi komunitade hodi eleitu no tu'ur iha konsellu suku hanesan Chefe Suku, Chefe Aldeia, tanba sira iha ona esperensia lubuk ida hodi halo dezenvolvimentu iha Suku.

Atu hetan informasaun :
www.pnds.gov.tl
info@pnds.gov.tl

Atu fo imi nia hanoin:
keixa@pnds.gov.tl